

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
OPĆINA CENTAR SARAJEVO
Općinski načelnik



Bosnia and Herzegovina
Federation of Bosnia and Herzegovina
Canton Sarajevo
City of Sarajevo
CENTAR MUNICIPALITY
Municipal Mayor

Босна и Херцеговина
Федерација Босне и Херцеговине
Кантон Сарајево
Град Сарајево
ОПШТИНА ЦЕНТАР САРАЈЕВО
Општински начелник

Broj: 13-11-5049-1/26
Datum: 14.09.2026. godine

Na osnovu člana 13. Odluke o izvršavanju Budžeta Općine Centar Sarajevo za 2026. godinu (Službene novine KS, broj: 52/25 i 28/26), 6. i 8. Pravilnika o nagrađivanju učenika, učitelja/nastavnika, stručnih saradnika i ekipa osnovnih škola sa područja Općine Centar („Službene novine Kantona Sarajevo“, broj: 23/25), Odluke o pokretanju postupka raspisivanja i provođenja javnog poziva broj: 13-11-5049/26 od 14.09.2026. godine, Općinski načelnik objavljuje:

JAVNI POZIV ZA NAGRAĐIVANJE NAJUSPJEŠNIJIH NASTAVNIKA/STRUČNIH SARADNIKA OSNOVNIH ŠKOLA SA PODRUČJA OPĆINE CENTAR SARAJEVO ZA POSEBAN DOPRINOS UNAPRIJEĐENJU NASTAVNOG PROCESA

I OPIS PROGRAMA

U povodu obilježavanja 5. oktobra – Dana nastavnika u Kantonu Sarajevo, a u cilju odavanja priznanja za sav trud i zalaganje u prenošenju znanja našim najmlađim sugrađanima, predviđeno je nagrađivanje najuspješnijih nastavnika odnosno stručnih saradnika u osnovnim školama sa područja općine Centar Sarajevo.

Sredstva koja se dodjeljuju po ovom Javnom pozivu ne predstavljaju državnu pomoć u smislu Zakona o sistemu državne pomoći u BiH, odnosno ovim Javnim pozivom se neće finansirati aktivnosti privrednih subjekata koji obavljaju ekonomsku djelatnost na tržištu.

Ukoliko se utvrdi da sredstva predstavljaju državnu pomoć u smislu propisa o državnoj pomoći, ista će se dodijeliti u skladu sa relevantnim propisima, uključujući pravila o de minimis pomoći.

II PRAVO NA PRIJAVU I VISINA SREDSTAVA

Pravo na dodjelu nagrada imaju nastavnici i stručni saradnici koji su uposleni u osnovnim školama sa područja ove lokalne zajednice.

Iz svake škole će se nagraditi samo jedan nastavnik ili stručni saradnik, koji bude imao najviše bodova.

Ukupan iznos sredstava planiranih za ovu namjenu u Budžetu Općine Centar Sarajevo za 2026. godinu je u okviru budžetske stavke Nagrade učenicima osnovnih škola za rezultate na općinskim takmičenjima, nastavnicima i stručnim saradnicima osnovnih škola sa područja općine Centar Sarajevo za unapređenje obrazovnog procesa, a iznosi 2.600,00 KM.

Nagrade u iznosu od 200,00 KM (neto iznos) dodijelit će se najuspješnijim nastavnicima/stručnim saradnicima koji su u skladu sa utvrđenim kriterijima ostvarili najveći broj bodova.

III KRITERIJI ZA DODJELU I POTREBNA DOKUMENTACIJA

	Kriteriji	Bodovi
1.	Mentorstvo učenicima koji su na takmičenjima u prethodnoj školskoj godini:	
	Osvojili jedno od prva tri mjesta ekipno na općinskom nivou (po osvojenom mjestu). Dokaz: Potvrda škole	1
	Osvojili jedno od prva tri mjesta ekipno na kantonalnom nivou (po osvojenom mjestu). Dokaz: Potvrda škole	1,5
	Osvojili jedno od prva tri mjesta ekipno na federalnom nivou (po osvojenom mjestu). Dokaz: Potvrda škole	2
	Osvojili jedno od prvih pet mjesta ekipno na državnom nivou (po osvojenom mjestu). Dokaz: Potvrda škole	2,5
	Osvojeno jedno od prvih pet mjesta pojedinačno ili ekipno na međunarodnom nivou (po osvojenom mjestu). Dokaz: Potvrda škole	3
2.	Neposredan odgojno-obrazovni rad s nadarenim učenicima u prethodnoj školskoj godini (po učeniku 0,5 boda). Dokaz: Potvrda škole	max 5
3.	Neposredan odgojno-obrazovni rad sa djecom sa invaliditetom u prethodnoj školskoj godini (po učeniku 0,5 boda). Dokaz: Potvrda škole	max 5
4.	Uređivanje i vođenje školske stranice na društvenim mrežama u prethodnoj školskoj godini (0,5 boda po društvenoj mreži). Dokaz: Potvrda škole	max 4
5.	Voditelj jedne ili više školskih sekcija u prethodnoj školskoj godini – 0,5 bodova po sekciji. Dokaz: Potvrda škole	
6.	Učešće u manifestacijama koje organizuje Općina u povodu obilježavanja važnijih datuma, kao i u drugim događajima od značaja za Općinu, po pozivu koji je upućen od strane Općine (priredbe, konkursi, izrada čestitki, likovnih radova za značajne datume... (jedan bod po manifestaciji..) Dokaz: Potvrda škole	max 10

7.	Koordinator projekata koje finansira Općina (posjete kulturnim ustanovama, učešće u projektima koje organizuju ustanove čiji je osnivač Općina ili projekti udruženja koje finansira Općina). Jedan bod po projektu, posjeti..	max 10
	Dokaz: Potvrda škole	

Pored dokaza o ispunjavanju navedenih kriterija kandidati su dužni, uz prijavni obrazac, dostaviti original ili ovjerene kopije slijedeće dokumentacije:

1. Potvrda o mjestu prebivališta
2. Potvrda škole da je kandidat uposlenik/ica (ne starija od 1 mjesec)
3. Potvrda banke o otvorenom tekućem računu

Dostavljeni lični podaci podnosioca prijava koristit će se isključivo za potrebe provođenja Javnog poziva, u skladu sa Zakonom o zaštiti ličnih podataka Bosne i Hercegovine („Službeni glasnik BiH“, broj 12/25).

IV NAČIN PODNOŠENJA PRIJAVE

Prijave nastavnika/stručnih saradnika sa potrebnom dokumentacijom, dokazima o ispunjavanju kriterija dostavljaju se službi nadležnoj za obrazovanje putem protokola Općine Centar ili preporučeno putem pošte na adresu Mis Irbina 1, 71000 Sarajevo. Javni poziv ostaje otvoren 15 dana od dana objave na web stranici Općine.

V POSTUPAK DODJELE SREDSTAVA

Pristigle prijave kandidata razmatra Komisija za provođenje javnog poziva koju imenuje Općinski načelnik.

Komisija za provođenje javnog poziva će u roku od 10 dana od dana zatvaranja javnog poziva sačiniti preliminarnu listu kandidata po školama, koja će, nakon što bude verificirana od strane Općinskog načelnika, biti objavljena na web stranici Općine Centar Sarajevo.

Na navedenu listu kandidati mogu podnijeti prigovor u roku od 8 dana od dana objavljivanja.

Odluku o prigovoru donosi Komisija za razmatranje prigovora, u roku od 7 dana od dana podnošenja istog.

Konačnu odluku o dodjeli nagrada donosi Općinski načelnik.

Svaki član Komisije će biti isključen iz postupaka dodjele ukoliko se utvrdi da je u sukobu interesa u odnosu na podnosioca prijave, a podnosioci prijave imaju mogućnost prijaviti sumnju na postojanje sukoba interesa, o kojima će davalac budžetskih sredstava odlučivati pojedinačno po svakoj prijavi.

Za sve dodatne informacije zainteresovana lica mogu pozvati broj telefona: 033/562-474 ili poslati upit na e-mail: obrazovanje@centar.ba.

